

he ritenga e ora ai. Ki taku titiro kote wa mate ote maori kaore i tino matara atu io tatou aroaro, kote ra e haere ai te tangata maori i te rori metona pikaunga i runga o tana tuara kua tata tonu mai. No reira kote mea nui i tenei ra he rapu i tetahi huarahi e ora ai taua te maori i roto inga ra e tu mai nei.

I tenei wa kongā iwi ote ao kaite whaka tika tika io ratou ritenga, he mutunga pakanga hoki. Kua homai ete Kaihanga tenei wa hei ra whakatikatika manga iwi ia ratou. I roto i aua mahi whakatikatika katoa, kote maori tetahi iwi e taka ana ki raro i aua whakahaere. No reira he wa tika tenei ki taku whakaaro hei tirohanga i etahi huarahi pai mo tatou. Otira ko tenei take he tino take nui taumaha hoki. He nui o tatou tangata mohio kua whaka pau io ratou matauranga meo ratou kaha, kite whaka takoto huarahi pai mo tatou. Otira ki taku titiro kaore i tino oti ia ratou tetahi kaupapa tino pai. Engari ra e kore ano e taea e o tatou mema, itenui ote taupatupatu o tatou whakaaro. Konga tangata i kaha, ki taku titiro, ki te whakahaere tikanga mo tatou kote Honore Ta Timi Kara, kote Honore A. T. Ngata, kote Honore Dr. Pomare mete Hetana (Pitimia), raua ko Hone Heke, kua heke atu nei hoki raua kite wahangu tanga. Kote take i kore ai e ata takoto he kaupapa pai, ki taku titiro, he kore nonga Kawanatanga onga tau maha kua hori nei e hia hia kite whawha tika i te ritenga monga maori. I runga i tenei ahua kongā whenua onga maori te papa. Kaite pau haere atu i te hoko hoko ia ra ia ra. Nate kaha onga tangata kua whaka huaina ake nei, i toe mai ai enei paku whenua e mau nei ia tatou.

I roto inga tau maha kua hori nei kaore rawa tetahi ritenga tuturu hei akoranga inga maori i whakatakotoria engā Kawanatanga, kote ako mete haere onga tamariki kite kura te mea nui ki taku whakaaro. Note mea kongā tamariki otenei ra, ko ratou ngā pakeke mo apopo. Kite kore ratou e akona kinga matauranga ote Kura pakeha, e kore ano hoki e taea e ratou i te rapu he oranga mo ratou i roto inga tino whakahaere ate pakeha. Ka waiho ano hoki hei whakahoki i te ahua ote iwi ki muri. E kore rawa e taea ete maori te tu tahi mete pakeha mehemea kote mohio tanga anake ote maori tona kakahu. Mate whiwhi ote maori i te matauranga ote pakeha ka tahi ia ka whai turanga waewae i roto i te whakaminenga mengā haere maha a tenei iwi ate pakeha. Kote mahi nui manga kawanatanga inga tau maha kua hori nei, ki taku whakaaro, he ako inga maori. Kia tae rawa ake ai kite wa e whaka kotahi tika e i te ture mote maori mete pakeha, kua whai turanga waewae te maori. Note mea, mehemea kite whaka kotahitika te ture i tenei ra mote maori, mete pakeha, e kore e ora te maori. Kongā mea kua whiwhi i te matauranga ote pakeha e haere pai, kote tokomaha ia ka kaimahi kite pakeha, i runga i te kore o taua tokomaha e whai mohitanga pakeha, ka homai ma ratou kongā mahi o raro rawa. No reira au ka ki mehemea kua rite to taua mohio kote pakeha he aha hoki te kino o te whaka kotahi o taua ture. He aha koa ra koira no te tutuki tanga angā ra e haere mai nei. Engari ko toku hia hia ko taua ra me kana e tere te oke mai kia tatou, me waiho kia rite rite to tatou tu kote pakeha ka tae mai ai taua wa tino pai. Ko tetahi tino take hei ata titiro kote mahi

hāi waipiro kinga kainga maori. Aha koa kaite takoto te ture taapu i taua mahi, kaati kaite nui haere tonu ake. Aha koa kai hea te hui te tangihanga ranei, he waipiro te kai. I runga i te nui onga moni angā maori e pau ana mo tenei kai mote waipiro e tika ana kia whakaaetia te maori kia whai pooti mo tenei take. Kaore au e awanga wanga i te mea kaite mohio au ka pooti katoa ngā maori ki te taha turaki i taua kai.

I runga i taku whaka rapopoto tanga i aku take katoa, kitea ana e au ko etahi huarahi arai ko te taha o aku take e pa ana ki tetahi pakeha, mengā ritenga ote Koroni. Note mea tera pea kote whakahaere i kitea e pai ana mote maori, akuanei e taupatupatu ana kinga ritenga nunui ote Koroni, a kongā mea e pai ana mote taha pakeha, akuanei kaore i pai mote taha maori. No reira kote mahi he whakahaere ere inga take tika, kia pai kia rite te pauna ki runga ki ia waahi onga whakaaro totika ote maori, hui atu kinga hia hia ote iwi pakeha mengā mahi ote Koroni e pa ana kite katoa. No reira i roto i enei tikanga katoa, ki taku whakaaro, kote kaupapa e whai ake nei ona whakamarāna, tera ano e pai hei huarahi mo tatou angā ra e haere ake nei:—

1. Kongā tuku onga whenua maori katoa kite Karauna me era atu tangata, i runga i te ritenga rihi, hoko, a i tetahi atu huarahi pera ranei, me arai a me whakamutu hoki.

2. Hei huarahi e tika ai te whakahaere, a e tere ai hoki i te tangata ainga onga whenua maori, katoa kua taua te ture. Me whakatu etahi Poari takiwa hei whakahaere i te whenua. Kongā takiwa mengā rohe huiwhiriwhiri i te ture maha o aua poari, me waiho te ture i te ture oti nei te whakatakoto mete tohu i raro i te ture ote Ture Whakatikatika ingā Ture Whakatikatika 1903.

3. Koia Poari me tu kia kotahi te Perchitini me pakeha, kia kotahi te ateha me Maori, mate Kawana taua e whakatu.

4. Me whai mana ia Poari ina tu, kite tonu kite Kooti Whenua Maori, kia whaka "Kaporeihanatia" ngā tangata no ratou tetahi whenua etahi whenua ranei e whakaaro tika ana ote Poari kia peratia, a me whakamana te Kooti i aua tonu pera katoa.

5. Engari kua te Poari e hanga kia taka tetahi maori meona whenua ki raro i tetahi tikanga Kaporeihana, mehemea ka taea e ia te whakaatu kite Poari he tangata mohio ia kinga ritenga pakeha katoa, a ka taea ano hoki e ia te whakahaere, mete mahi ena whenua i runga i te ritenga mahi paamu tika e puta pai ai he oranga ki aia, e pai ai hoki te whenua. Me awahina te poari i enei tu tangata katoa, a ka whai mana aua tangata kite tonu kite Kooti kia whakapakehatia ia meona whenua katoa. Hei reira kua taka ia ki raro inga ture pakeha katoa, a kua kore hoki ia e pooti kinga mema maori.

6. Ina mana tetahi ropu Koporeihana me matua whaka tu e ia he Komiti Whakahaere.

7. Kite mana tetahi Komiti Whakahaere me mahi ia ingā mahi katoa e tau ana, hei huarahi e wawe ai te haere onga mahi whakapai, whakanoho, a e puta ai hoki he oranga kite hanga no ratou te whenua.